

## Transkription von Stadtbucheintrag OSL 1505a

Ort, Datierung: Oschersleben, 1505-03-09

Signatur: Stadtarchiv Oschersleben, A I 7, STB 42r

Inhalt: Pachtvereinbarungen

Anno d(o)m(ini) (et cetera) qui(n)gentesi(m)o quinto am(me) / sondage jüdicā hebben Cordt gesen  
vn(n)d / heyne gesen eyne grüntlike vor dracht / gemaket So dat Cordt gesen heynen / aff ge kofft iij  
hoüe landes i hoüe be/legen op dem groten andesleüe velde vn(de) / ij hoüe op dem e(m)merighe velde  
vn(de) düet / ys ge scheyn jn bywesende do to(r) tidt h[...]lre / Bo(r)mest(er)<sup>1</sup> Heyne brom(m)s<sup>2</sup> hans  
wederi(n)gh / Luder lüder Hans alsleüe Radt mann(e) / Matthe(us) moszen diderik Reynken ok do  
sülüest /

Anno<sup>3</sup> d(o)m(ini) xv<sup>c</sup> vnde xix Jar hefft Ebe/lingk geszen an sine(m) huse vnde hofe / deme Rade j  
sc(hock) geldesz jarelike(n) tinse / vorkofft dar vor he xv sc(hock) geldes / vam(me) Rade entfangen in  
syne vnde / sin(r)e<sup>4</sup> erue(n) nuth vnde sch[...]ne(n) ? gebracht / myt fulborde vnde wette(n) desz  
gesworn / richters by name(n) Bernd Berckling(es) / sodan(ne) bekant isz alle jar op lecht / missen  
bedaget den wedde(r)kop sick / vnde sine(n) erue(n) beholden op martini / op to seggen by tiden luder  
luder / Bo(r)mester<sup>5</sup> vnde he(r)me(n) mulle(r) kemere(r) / (et cetera) /

---

<sup>1</sup> oder = Bo(rger)mest(er)

<sup>2</sup> andere Lesart = brom(m)e(n) (vgl. aber die allg. Tendenz zur s-Graphie im Auslaut in diesem  
Ortspunkt)

<sup>3</sup> andere Hand

<sup>4</sup> andere Lesart = sine(r)

<sup>5</sup> oder = Bo(rger)mester